



18. Juni 2026

UPA2026/132

Pilersaarusioneq aamma nunaminertat atorneqartarnerat pillugit Inatsisartut inatsisaat nr.17 17. november 2010-meersoq nutaamik eqaannerusumillu iluseqalersinnaaqqullugu apeqquteqaat aallaavigalugu oqallisissiaq.

(Inatsisartunut ilaasortaq Aqqalu C. Jerimiassen, Atassut)llannguutit

Siullermik Siumumiit inatsisartunut ilaasortaq Aqqalu C Jeremiassen Atassut sinnerlugu pilersaarusioneq, nunaminertamik atuineq aammalu innuttaasut namminneq inigisaminnik ineriartortitsinissamut periarfissaat pillugit oqallinnissamik saqqummiussineranut qutsavigaarput.

Uagutsinnut pingaaruteqarpoq inatsisit inuiaqatigiinni ineriartornermut malinnaasarnissaat. Malittarisassat torersuunermik, isumannaatsuunermik aammalu ataatsimoorfimmut mianerinninnermik pilersitsisariaqarput, kisianni innuttaasut inigisaminnik pitsanngorsaannissamut imaluunniit pigisaminnik ineriartortitsinissamut periarfissaanik pisariaqanngitsumik killilersuisumik allaffissornikkullu pisariuallaanngittumik ingerlanneqartarnissaat pingaaruteqarpoq.

Paasilluarparput innuttaasut amerlasuut pilersaarusioneq nunaminertanillu aqutsineq oqaimaatsutut aammalu allaffissornikkut annertuumik piumasaaqateqarfiusutut misigisarmassuk. Suliassat suliarineqartarneri sivirusumik ingerlasinnaapput, malittarisassat paasiuminaassinnaapput, aammalu ilaasa misigisarpaat namminneq inigisaminni allannguutinik annikittunik suliaqarnissamut akuersissummik piniartarnek sorpassuit aqutigalugit qinnuteqartariaqartarnek.

Taamaattumik pisariaqarpoq oqallisigissallugu suliassaqarfimmi tassani inatsisitigut sinaakkutit aammalu ingerlatsineq ullumikkut pisariaqartitanut naammattumik naleqqussagaasimanersut.

Siumumiit isumaqarpungut illumik piginnittut ataasiakkaap soqutigisai aammalu ataatsimoorfimmi soqutigisat akornanni oqimaqatigiissaarisoqarnissaa pingaaruteqartoq.

Pilersaarusioneq pingaaruteqarpoq. Nunaminertamik atuinermi aqutsineq pisariaqarpoq, Aammalu sanaartornermi malittarisassanik malitassaqartariaqarpugut.

Tamakkua ilaatigut qulakkiissuaat sanilerisat pisinnaatitaaffii, isumannaassuseq, aqquteqarnermut tunngasut, avatangiisinik mianerinninneq aammalu illoqarfiit nunaqarfiillu naapertuuttumik ineriartornissaat.

Kisianni peqatigisaanik malittarisassat naapertuuttuusariaqarput paasiuminartuusariaqarlutillu.

Innuttaasut pigisaminnik namminneq allannguutinik mikinerusunik, avatangiisinut annertuumik sunnuteqanngitsumik, suliaqarnissaminnik kissaateqarpata ingerlaavartumik nalilersuisariaqarpugut periutsit qanoq ililluta pisariinnerulersillugillu eqaannerulersinnaanerigit.



Taamaattumik Siumumiit pitsaasutut isigaarput pilersaarusiorneq nunaminertanillu aqutsineq pillugu inatsimmik nutarterisinnaanerup aammalu pisariinnerulersitsisinnaaneq periarfissaqarnersoq sukumiisumik misissorneqarsinnaanera.

Sulimi sulissutigisariaqarparput namminersortut illuliortarnerannut pitsaasumik periarfissanik pilersitsinissaq aammalu ilaqutariit amerlanerusut namminneq initaarnissamik takorluukkaminnik piviusunngortitsinissaat.

Taamatut oqaaseqarluta Siumumiit oqallisissiamut qujavugut oqallilluarisilu.

Jess Svane SIUMUT